



Broj: 09/2-3-16-8-31989-10/17
Sarajevo, 01.12.2017.godine

Na osnovu člana 70. stavovi (1) i (3), Zakona o javnim nabavkama BiH ("Službeni glasnik BiH", br. 39/14), odredbi Pravilnika o postupku dodjele ugovora o uslugama iz Aneksa II. dio B Zakona o javnim nabavkama BiH ("Službeni glasnik BiH" broj: 104/14) te prijedloga Komisije za nabavke utvrđenog u zapisniku broj: KJN-16-4-int-2324-1/17 od 30.11.2017. godine, u postupku javne nabavke usluga hotelskog smještaja za potrebe MVP BiH, **d o n o s i m:**

O D L U K U **o izboru najpovoljnijeg ponuđača**

Ponuđač "HOTELI ILIDŽA" d.d. Ilidža, proglašava se najpovoljnijim, te se imenovanom ponuđaču dodjeljuje ugovor za nabavku usluga hotelskog smještaja za ambasadore na pripremama za potrebe Ministarstva vanjskih poslova BiH.

MVP BiH će o rezultatima provedenog postupka javne nabavke obavijestiti najpovoljnijeg ponuđača, a istovremeno ova odluka objavit će se na web-stranici www.mvp.gov.ba.

Ugovorni organ će nakon sticanja uslova, pozvati izabranog ponuđača radi zaključenja ugovora kojim će se regulisati međusobna prava i obaveze vezane za predmetnu nabavku shodno zahtjevima-uslovima ugovornog organa navedenim u tenderskoj dokumentaciji i zakonskim propisima koji regulišu postupke ugovaranja.

O b r a z l o ž e n j e

Postupak javne nabavke pokrenut je Odlukom o pokretanju postupka broj: 09/2-3-int-2000-1/17 od 07.09.2017. godine, u kojoj je predviđeno da je procijenjena vrijednost javne nabavke bez PDV-a 12.820,00 KM, odnosno sa PDV-om 15.000,00 KM.

MVP BiH je uputio ponuđačima poziv za dostavljanje konačnih ponuda sa rokom dostave do 29.11.2017. godine.

Javna nabavka usluga smještaja u hotelima sa 3 (tri) i više zvjezdica na području Sarajeva / Istočnog Sarajeva, provela se kroz postupak dodjele ugovora o uslugama iz Aneksa II. dio B Zakona o javnim nabavkama.

Analizom dokumentacije pristiglih ponuda, te suštinskom provjerom sadržaja i validnosti dokumentacije, Komisija je utvrdila da konačne ponude ponuđača:

1. " BOSNIA hoteli i restorani" d.o.o.;
2. "Hoteli Ilidža" d.d;

zaključno sa rednim brojem 2 (dva),

ispunjavaju formalno-pravne, ekonomske i tehničke zahtjeve Ministarstva vanjskih poslova BiH, te da su prihvatljive i mogu biti predmet vrednovanja shodno kriterijima utvrđenim Pozivom za dostavljanje ponuda.


Polazeći od činjenice da prihvatljive ponude u formalno-pravnom, ekonomskom i tehničkom smislu ispunjavaju zahtjeve Ministarstva vanjskih poslova BiH, primjenom kriterija „najniža cijena“ (ugovor se dodjeljuje onom ponuđaču koji nakon provedenog i okončanog postupka pregovaranja, ponudi najnižu cijenu za specificirane potrebne usluge), Komisija je zapisnikom broj: KJN-16-4-int-2324-1/17 od 30.11.2017. godine, utvrdila rang listu ponuda i to:

- | | | |
|---------------------------------------|-----------------------|------------------------|
| 1. "Hoteli Ilidža" d.d. | sa ukupnom cijenom od | 77,65 KM
bez PDV-a |
| 2. "BOSNIA hoteli i restorani" d.o.o. | sa ukupnom cijenom od | 109,77 KM bez
PDV-a |

shodno kojoj je prvoplasirana i najpovoljnija ponuda ponuđača: "**Hoteli Ilidža**" d.d. sa cijenom od 77,65 KM bez PDV-a, (za cijenu noćenja u jednokrevetnoj sobi sa doručkom i dnevnim prevozom od hotela do sjedišta ugovornog organa i nazad) te da ista u ekonomskom i tehničkom smislu u potpunosti zadovoljava zahtjeve ugovornog organa. Cijeneći navedeno, data je preporuka da se donese Odluka o izboru najpovoljnijeg ponuđača kao u dispozitivu.

Pouka o pravnom lijeku:

Protiv ove Odluke može se izjaviti žalba Uredu za razmatranje žalbi, najkasnije u roku od 10 (deset) dana od dana prijema ove Odluke i to u pismenoj formi, u dovoljnom broju primjeraka, a koji ne može biti manji od tri.



DOSTAVITI:

1. Najpovoljnijem ponuđaču;
2. Evidenciji a/a.